

ՍԱՐԳԻՍ ԿՈՒԿՈՒՆՅԱՆԻ ԳԼԽԱՎՈՐԱԾ ԱՐՇԱՎԱՆՔԸ

19-րդ դարի 80-ական թթ. Արևմտյան Հայաստանի լեռներում առաջին գինավառ հայդուկների հանդես գալուց հետո արևելահայ երիտասարդության շրջանում սկսվեց մի ինքնաբուխ շարժում, որի նպատակն էր անցնել Երկիր և զենքով փրկել արևմտահայ եղբայրների կյանքն ու արժանապատվությունը: Հայդուկային խմբերի կազմակերպված անցումը դեպի Երկիր կոչված էր ժողովրդին հանելու դարավոր քնից, նրան մղելու ազատագրական կռիվ: Այդ շարժման նախակարապետը Սարգիս Կուկունյանի գլխավորած արշավանքն էր: Այն հայ ազգային-ազատագրական պայքարի պատմության մեջ մնացել է որպես նշանակալից իրադարձություն: Այն տեղի ունեցավ 1890 թվականի աշնանը և որպես կարևոր դեպք համեմված է պատմությանը:

Արշավանքի նախապատրաստական և կազմակերպչական աշխատանքներն ու միջոցները ձեռք առնելուց հետո արշավախումբը սեպտեմբերի վերջերին հավաքվում է Բասենի Չուրուկ գյուղի մոտ:

«Նախօրոք որոշուած էր, որ մենք մի քանի հոգով պիտի մտնենք Երկիր: Ալեքսանդրոպոլում, սակայն, այս ու այն կողմից եղած դիմումների վրայ, Կուկունյանը ծրագիրը փոխում է եւ որոշում է, ինչպես ինքն է ասում Ալաշկերտի վրայով անցնել Մուշ և այնտեղից Վանի գծով շարժուել դեպի Պարսկաստան: Տաճկաստանում իրան պիտի միանային 5,000-ից ավելի կռուողներ, որոնք իբր թէ մեզ էին սպասում...», - իր հուշերում գրում է արշավանքի մասնակից Ասքանազը¹:

Արշավանքից առաջ Կուկունյանը խորհրդանշական ճառով դիմում է խմբի տղաներին. «Մենք շուտով կը մտնենք Թուրքաց Հայաստան. լավ մտածեցեք. այնտեղեն վերադարձ չկայ: Մենք կերթանք մեռնելու. որպեսլի ճանապարհի հարթենք գալիք կռվող շարքերուն համար: Թող ոչ ոք ձեզմե հույս ունենա, թե կարող է ողջ մնալ: Ով որ ատկե կը վիատի, թող այժմեն վերադառնայ...»:² Վրեժի ծարավով լցված ոչ մի մարտիկ չլքեց շարքերը:

Այս խոսքերը չէին ասվում հերոսական քայլ անողի տպավորություն ստեղծելու կամ էլ իր մարտիկների անձնագոհությունն ու նվիրումը չափելու համար: Կուկունյանն արդեն զգում էր, որ արշավանքը չի կարող հաջող ընթացք ունենալ: Բայց ընտրությունը կատարված էր: Խումբը սկսեց իր արշավանքը:

¹ Հայաստանի Ազգային արխիվ, ֆ. 1633, ց. 5, գ. 21, ք. 83:

² Տե՛ս, Ս. Վարանդյան, ՀՀ Պաշտպանության պատմություն, Երևան, 1992, էջ 69:

Արշավանքից առաջ սրտառու էր խմբի սահմանն անցնելու ժամանակ գյուղացիների ցույց տված խնամքն ու գուրգուրանքը: «Տղաները քայլում էին գույգ-գույգ, լուռ ու մունջ: Հետեւից գալիս էին գիւղացիները: Հուզիչ էր տեսարանը: Հանդիպումը եւ բաժանումը գյուղացիների հետ եղավ սրտաշարժ: Կանայք շարունակ լալիս էին,աղոթում եւ բարեմաղթանքներ անում,որ սուրբնս կտորուկ լինի,որ յաղթող վերադառնանք...»³, - հիշատակում է հուշագիր Արամայիս Ազնավուրյանը:

Խմբի կազմը խայտաբղետ էր ուսանողական նստարանը թողած երիտասարդներ, հացթուխներ, գործակատարներ, հողագործներ, արհեստավորներ, որոնց մեջ չկար մեկը ,որի տարիքը հասներ 30-ի: Նրանցից շատերն առաջին անգամ էին շփվում զենքի հետ: Խումբն իր հետ ուներ 2 դրոշակ,որոնցից մեկի վրա ձեռագործված էր Գրիգոր Լուսավորչի պատկերը,իսկ մյուսի վրա մի առյուծ,ոտքի տակը կիսալուսին:Խմբի անդամներն իրենց ուսերին կրում էին զինվորական «էպլետներ» ուսադիրներ «Մ Հ»⁴ տառերով: Մեսրոպ Վարդանյանի հուշերում կարդում ենք. «Սարգիս (Կուկունյան) ու Սարգար ուսերուն վրայ կը կրեին զինվորական սպայի «հազարապետի» ոսկեթել էպլետներ, որոնք նվիրել էին Կարսի օրիորդները»⁵:Ամբաստանագրում էլ ասված է, որ «Սարդարը կրել է 39-րդ դիվիզիայի սպայի զինանշան,շուշեցի Աբրահամը ուներ կարմիր, իսկ Կուկունեանը ճերմակ զինանշան, երկու շատ խոշոր տառերով»⁶: «Կուկունյանը գիտեր շուք տալ իր ձեռնարկներին: Նա մեզ հայտնեց նաև, որ անգլիական «Թայմզ» թերթի թղթակից Ֆելչարիցը (Ֆիցջե-րալդը) պիտի գար մեր խմբի քաջագործությունների մասին անգլիական մամուլում գրելու համար», -արշավանքի մասնակից Հովսեփ Մովսիսյանի հուշագրությունից ենք տեղեկանում:⁸

Սեպտեմբերի 22-ին մոտ 110 հոգուց բաղկացած /20 -ը ձիավոր/ խումբը⁷ հավաքվում է Շաղկանում. «Շաղկան տանող ճանապարհի վրա,ուրիշ

³ Տես, Հայրենիք, 1937, թիվ 7, էջ 114:

⁴ Դրոշակ, 1912, թիվ 8, էջ 168:

⁵ Տես,Դիւան Հ. Յ. Դաշնակցութեան, հ. 1, Պոսքըն, 1934, էջ 35:

⁶ Հայրենիք, 1934, փետրվար, էջ 87:

⁷ Կուկունյանի արշավախմբի թվական կազմի վերաբերյալ հուշագրողների մոտ եղած տվյալները տարբեր են:Ծերբակալվելուց հետո,հարցաքննության միջոցին Կուկունյանը հայտնում է/ըստ դատական ամբաստանագրի/որ խումբն ունեցել է 100 մարդ,ի թիվս 20 ձիավոր:Կոստանդին Լիսինյանի ցուցմունքներով 70հոգի,ուրեքն Հովհաննիսյանն էլ միևնույն թիվը մատնանշելով ավելացնում է «և 15 ձիավոր»:Արշավանքի մեկ ուրիշ մասնակից Մեսրոպ Վարդանյանը մի փոքր տարբեր թվեր է տվել «Մենք մնացինք 78,մեզնից 24 ձիավոր էր»/Տես,Դրոշակ,1930,թիվ 5/,«մմանք խումբը հաշվում էին 120,ոմանք 150 հոգի,առում է մյուս մասնակիցը Հովսեփ Մովսիսյանը,- քայք փաստն այն է,որ մենք չհաշվեցինք վերջնականորեն,թե քան”ի հոգի էինք:Մոտ քսան հոգի ծիաւոր էինք Ձեռքերը ես էի բաժանում:Ընդամենը հարյուր կտոր զենք էր:մմանք եկել էին իրենց զենքերով,ոմանք էլ վերադարձան զենք չլինելու պատճառով»/Տես,Հայրենիք,1934,թիվ 4,Հովսեփ Մովսիսեանի յուշերը,էջ 88/: Նույն Մովսիսյանն իր մեկ այլ հուշով առում է, թե

հայեր ևս միացան խմբին: Վերջինը հասավ Շաղևան սեպտեմբերի 22-ին, շաբաթ օր: Գիշերով գնաց քիւրքական սահմանազխի վրայ գտնուող լեռները: Երկուշաբթի օր հասան Թեքե-Բինա սարը»: Ըստ հուշագիր Սեսրոպ Վարդանյանի «Սենք շատերս, անօթութեան համար, ուզեցինք մօտիկ ճանապարհով մտնել Ռուսաստան: Սեզի մօտիկ է Կաղզվան: Եթե մենք մարզարե լինեինք մեծ հաջողություն կգտնեինք: Այդ գիշեր Ալաշկերտի թուրք-քուրդ զորք, բոլոր կը փախնին թե հայերին երկաթե դուռ բացված է: Տուներ տեղեր թողնելով Անտապի լեռներ կելնեն, որ այնտեղ քողեր շատ են, հայեր բոլորովին չկան: 4 ժամ է Ալաշկերտից Անտապի գյուղեր:

Բոլորս հոժարեցանք մօտիկ տեղից Ռուսաստան մտնել: Շարունակեցինք մեր ճանապարհի դեպի Թեքե-Բինայի ձոր»:⁹

«...Ամբողջ գիշեր, առանց հանգստանալու, խումբը առաջ շարժվեց, նկարագրում է Արամայիսը.- Որպեսզի ետ մնացողներ չլինեն, Կուկունյանը երկու հոգու Սարդարին և Աբրահամին պատուիրեց, որ այդ լեռնուղիներում գնան խմբի առջևից ու հետևից և հսկեն տղաների վրայ: Սեկ-մեկ էլ ինքն էր ձին առաջ ու ետ քշում կարգ պահպանելու նպատակով: Այդ ձևով ճանապարհը շարունակեցին մինչև առավոտյան ժամը 6-ը»¹⁰: «Երբ Կուկունյանը մի անգամ էլ ձին քշեց դեպի խմբի ետևից, լույսը նոր-նոր բացուելիս, հանկարծ խմբի առջևի կողմից լսեց հրացանի պայթյուններ: Խումբը արդեն գտնվում էր բուն տաճկական հողի վրայ, Բասենի ու Ալաշկերտի արանքում: Ի՞նչ հրացանածոթյուն էր այդ: Հայտնի Շաղևան գյուղից անցնելով Քեակլիկ կիրճը, տղաները միանում են Բենա գյուղի արևելյան կողմում ընկած ժայռերի այրերում գտնվող խմբի մյուս մասին Բասենի Չուրուկ գյուղում...

Նույն կռվի մասին այսպես է պատմում Հովսեփ Սովսիսյանը. «Սեր արշավախումբը բռնել էր արքունական ճամբան և առաջանում էր անկանոն, խառնիխուռն: Միայն Սարդարն ու Աբրահամն էին, որ արթուն պահակի դեր էին կատարում մերը սրան ու մերք նրան արթնացնելով, սրափեցնելով ու

իրենց խումբը բաղկացած էր «հարիյր տաս հոգուց: (Տես, Դրոշակ, 1930, թիվ 5: Արամայիս Ազնավուրյանի հուշերում խմբի կազմի վերաբերյալ ասված է հետևյալը «Խումբը բաղկացած էր 85 հոգուց, որից 20-23-ը միաւորներ էին»/Տես, Հայրենիք, 1937, թիվ 4, էջ 147: Սեզ համար ընդունելի է Դատական ամբաստանագրին կից ամբաստանյալների զուգակը անուն: ազգանուններով և անձնական տվյալներով, որ նրանց թիվն է 107:

⁹ Տես, Դրոշակ, 1912, թիվ 6, էջ 168:

¹⁰ «Մ. Հ.» տառերին տրվել են տարբեր իմաստներ: Արշավանքի մասնակից Ստեփան Ստեփանյանի /Բալաջան/ կարծիքով դրանք նշանակել են «Մայր Հայաստան», ըստ Սեսրոպ Վարդանյանի «Միութին Հայաստանի», ըստ ուրիշների «Միութին հայրենասիրաց»: Դատական ամբաստանագրում, զույգ գլխատառերը բացատրվել են որպես «Միացյալ Հայաստան»: Այս վերջին բացատրությունը համապատասխանում էր ռուսական կառավարության հակահայ քաղաքական որակումներին:

⁹ Դրոշակ, 1930, թիվ 6-7, դջ 170:

¹⁰ Դիւան Հ. Յ. Դաշնակցութեան, հ. 1, էջ 46:

խրախուսելով: Մեր էջը իր բեռը շուտ տալով, փախավ անհետ: Երկրորդ օրը, կեսօրվան մոտիկ, խմբի առաջապահների մեջ իրարանցում ընկավ: Չիավորները շտապեցին դեպի այն կողմը: Մենք էլ հասանք: Բանից երևաց, որ մի ծեր քուրդ են բռնել և հասնողը իր խանչալն էր խրում թշնամու մարմնին: Քրդի ընկերը փախել էր: Չիավորները ընկան ետևից, բայց ձեռնունայն վերադարձան: Երևացին նաև երեք քուրդ հեծյալներ, որոնց տեսնելուն պես մեր ձիավորները առաջ վարեցին որ բռնեն, բայց քրդերը փախան վախեցած»¹¹:

Լուսաբացին խումբը հասնում է Արմուտլի(նաև՝ ԱրմութլուԱրմութի - Տանծուտ), ուր տեղի բնակչությունը ջերմ ընդունելություն է ցույց տալիս և տղաներին տեղավորում տներում, իսկ առավոտյան արմուտլեցի երիտասարդության ուղեկցությամբ շարժվում Չուրուք՝ ուր պահված էին գնեքերը: Խումբը մտադիր էր այստեղից Վլաշկերտի լեռնանցքով անցնել Թուրքիա: Սակայն լեռներում 2 օր մնալուց հետո (լեռներում խմբից ետ էին մնացել 25 մարդ և խումբը իջել էր Խառ, ետ մնացածներին սպասելու և կամավորներ հավաքելու), երբ հասան Թեքերինա սարը, այդտեղ էլ իմացան, որ երկու օր առաջ Չակոբ Սարկավազի ղեկավարությամբ մի խումբ հայեր արդեն անցել են սահմանը՝ ընդհարում և զինված մարտեր մղելով թուրքական սահմանապահ զորքի հետ: Քանի որ լեռներում ցուրտ էր, խումբը որոշեց իր նպատակի իրագործումը հետաձգել գարնանը և այստեղից էլ շարժվելով Չիչակլուի ծորը պատրաստվում են հանգստի: Չորի երկարությունը քսան կիլոմետրից ավելի էր և մինչև լուսաբաց խումբը հազիվ կարողանում է կտրել ծորը և առավոտյան աղջամուղջին հասնել ու դիրքեր է գրավում Բոզթափայի բարձունքներին: Բալաջանի պատմությունն այդ կռվի վերաբերյալ հետևյալն է. «Ուղիղ ժամը 11-ին Չիչակլուի ծորից դուրս գալիս, մեր աջ կողմում, սարի վրայ, Ոկատեցիմը երեք ձիավոր քրդեր, որոնք մեզ տեսնելուն պես ձիերը ետ դարձրին և արշավեցին դեպի մոտակայ քրդական Ախուար (Ախվարկ- Կ.Ե) գյուղը: Մեր ձիավորները ի գուր հետապնդեցին: Երբ մերոնք հասնում են գյուղեր, քուրդ գյուղացիները լեղապատառ դուրս են փախչում գյուղից: Մերոնք մի քանի համազարկ տալով վերադառնում են, հետները գերի բերելով մի ծեր մարդ: Խեղճն ընկավ վալադի ձիու ոտքի տակ, մտածելով թե սա է մեր մեծավորը, որովհետև վալադի ձին ամենից լավն էր»:¹² Արամայիսի ասած «հայտնի ավազակապետ Հասո-աղան», որի խումբը գլխավին ոչնչացվում ու ինքն էլ գերի է ընկնում, եղել է այդ քուրդ ծերունին, որի մասին հիշատակվում է նաև Հովսեփի ու Բալաջանի պատմության մեջ:

Հետագայում պարզվում է, որ այդ քրդերը թուրքական կառավարության կողմից ուղարկված հետախույզներ էին, որոնք բռնեցին առ բռնեցին սպասուս

¹¹ Հայրենիք, 1934, թիվ 5, էջ 57:

¹² Դիւան..., հտ.Ա., էջ 21:

էին հայկական խմբերին: Խմբի սահմանն անցնելու մասին արդեն տեղյակ էին պահվել Թոփրակկալէի (Ալաշկերտ) թուրքական կայազորի հրամանատարութեանը և ռուս սահմանապահներին: Քրդական ջոկատների և նրանց օգնող թուրք հեծյալների աչքից փաստորեն չէր վրիպել խմբի անցումը:

Կես ժամ հանգստանալուց հետո խումբը պատրաստվում է շարունակել ճանապարհը և անցնել սահմանը, ուր և հանդիպելով քրդական հրոսակներին, սկսում են հրացանաձգությունը: Այնուհետև, խմբից 15 ձիավոր անցնում են սահմանը և ռուք դնում բուն տաճկական հողի վրա Բասենի և Ալաշկերտի շրջանում, և հարձակվում Մխվարկ գյուղի վրա: Այշին-Օղլի և Մխվարկ գյուղերի բնակչությունը որոշում են դիմադրել: Շուտով քրդական Մխվարկ գյուղից խմբի դիմաց են դուրս գալիս 20 ձիավորներ: Խմբի մարտիկներին հաջողվում է գերել 2 քրդերի, որոնց օգնությամբ էլ բարձրանում են Բոզ-Ղաղ լեռը և դիրքավորվում¹³: Կուկունյանը ճիշտ կողմնորոշվելով խմբով ամրանում է Բոզ-Ղաղ լեռան վրա, այլապես նրանք կջախջախվեին հակառակորդի գերակշռող ուժերի կողմից: «Հասանք Ղազարգուլա ծոր 1890թ. սեպտեմբերի 22-ին: Այդտեղ քիչ հանգստութիւն առինք: Ամէն մարդ իրան համար հաց ունէր. կերանք հացերնիս: Քիչ ցուրտ էր, կրակ վառեցինք, տաքցանք:

Արդէն առավոտյան մոտ էր, աղոթարան բացվեց, շարունակեցինք մեր ճանապարհ: Հասանք Բոզ-Ղաղ», - կարդում ենք Մեսրոպ Վարդանյանի հուշերում¹⁴:

Երբ խումբը հասնում է Բոզ-ղաղի գագաթին, զորքն ու քրդերը, մոտ 2000 հոգի, հասնելով ստորոտին, բավական մեծ հեռավորությունից սկսում են հրացաններից անկանոն կրակ արձակել խմբի ուղղությամբ: «Կուկունյանը խիստ պատվիրել էր, որ գնդակ չարձակեն, մինչև որ հակառակորդը չմոտենա հրացանի ասպարեզի չափ: Ժամը 9-ին հակառակորդն արդեն 1700 քայլի վրա էր, Հանկարծ խմբի կողմից որոտում են հրացանները, դղրդնցնելով շրջակա լեռները: Թշնամու զոհերը տեսնելով, տղերքը ավելի ևս ոգևորված անշեղ գնդակներ են տեղում իրենց ավանդական հակառակորդների զլխին, որոնց դիակները հետզհետե ծածկվում են լեռնալանջերը. կռիվը տևում է մինչև երեկոյան ժամը 7-8-ը: Խմբի կողմից այդ ահեղ կռիվն չի թափվում և ոչ մի կաթիլ արյուն, մինչդեռ թշնամու կորուստը նշանակալից էր»:¹⁵ Խմբի հրամանատարներից մեկը՝ խխալցխացի Ստեփանը, թուրքական ուժերի հրամանատարին վախեցնելու և շփոթության մեջ պահելու համար, խմբի մարտիկներին բաժանել էր երկու մասի և նրանց գլուխն անցած չորս պտույտ կատարեցին սարի շուրջը. «Սարին ետև փոս էր, կիջնայինք փոս, կը դառնայինք առաջ, որ

¹³ Հայաստանի Ազգային արխիվ, ֆ. 1633, ց. 5, գ. 21, ք. 83:

¹⁴ Դրոշակ, 1930, թիվ 6-7, էջ 169:

¹⁵ Դիւան..., հ. 4, էջ 15:

թուրքեր կերևան մեզնից, մենք ալ անոնցմէ: Թուրքեր կարծելով, թէ ինչքան են ատոք, որ վերջ չկա այդպէս թուրքի, ջուրդի աչք վախցալ»¹⁶,- կարողւմ ենք Մեսրոպ Վարդանյանի հուշերում: «Սուքն իջավ, նորից իրարանցում սկսվեց խմբի մեջ: Այս անգամ հինգ տաճիկ էին բռնել. մեկը խավարից օգտվելով փախել էր: Անմիջապէս «հանգստացրինք» տաճիկներին: Սրանք երեք արջառ ունէին, մորթեցինք ու լափեցինք կիսահում: Մի տասներկու հոգի ճամբորդ նկատեցինք. մեր ծիավորները յառաջ վարեցին. բայց նրանք զինուած էին ու փորձուած, անմիջապէս քարերի յետև դիրք մտան. մեր հեծեալներն այլևս մոտենալ չկարողացան»:¹⁷ Խմբին որսալու համար Թուփրակ-կալեից (կամ Թուփրակկալե) ուղարկում են թուրքական զինվորների կես վաշտ, բայց անօգուտ՝ որովհետև խումբը հեռանում է: Դեպքը տեղեկագրվում է իշխանութեան վերին ատյաններում, և կազմակերպիչներին որակելով «չարագործներ», հրաման է արձակվում հետապնդել և ձերբակալել: Խումբը ընկնում է չրջապատման մեջ երեք կողմից թուրքական ուժերով, իսկ չորրորդ կողմում ռուսական սահմանների երկարութեամբ կանգնել էին սահմանապահները: Երեկոյան թուրքական ուժերը սկսում են ետ քաշվել Ալաշկերտի ուղղութեամբ: Այստեղ պարզվում է, որ խումբն իր ողջ կազմով է և սպանվածներ չի տվել: Ս. Կուկունյանի խումբը որոշում է շարժվել դեպի Մատոաբերդի բարձունքները, ուր մի որոշ ժամանակ առաջ եղել էր Դուռնո՞ւ՝ իր խմբով¹⁸: Հասնում են Թեքեբինայի ձորը: Ըստ հուշագիր մշեցի Մեսրոպ Վարդանյանի Սարգիս Կուկունյանի խմբին այստեղ պետք է միանային Դուռնոյի և ալաշկերտցի Նազարեթի խմբերը, որոնք պետք է նախօրոք հասնեին Թեքեբինա: Բայց այդ օգնությունը չկայացաւ: Սարգիս Կուկունյանն իր մարտիկներով ստիպված եղավ մնալ Թեքեբինայի ձորում՝ հանգիստ առնելու: Ռեղեկցորդները թողել փախել էին, սննդի պաշարները սպառվել: Պարզ է, առանց սննդի, ուղեկիցների ու ռազմամթերքի անհնար էր որևէ բան ձեռնարկել: «Սեզնից, կարող եմ ասել, թէ, երեք մասը տղերքանց փափուկ ապրած տղերք են. ոչ բեռ չալակել տեսած են, ոչ անօթութիւն, ոչ այսպէս երկար ճանապարհ քալած ունեին: Բայց այն սեր, որ տպավորված էր անոնց սրտին մեջ, ոչ թէ այդ նեղություններ՝ այլ ամենայն սիրով մեռնիլ ազգի ազատության համար»,- հիշատակում է արշավանքի մասնակից Մեսրոպ Վարդանյանը:¹⁹ Խորհրդակցելուց հետո որոշվեց դուրս գալ ռուսական սահմանը, մարդկանց տեղավորել գյուղերում, որտեղ

¹⁶ Դրոշակ, Փարիզ, 1930, թիվ 6-7, էջ 169:

¹⁷ Եւսյն տեղում:

¹⁸ Եւսյն ինքը Հարություն աղա, Հարություն Տեր-Մարտիրոսյան, Ժնևում գտնվող վանքի (Տե ս. Պատմագրություն Հայ Յեղափոխական Դաշնակցության պատմության, Խո.Ա., Աթնք, 1990, էջ 115-117):

¹⁹ Հայաստանի Ազգային արխիվ, ֆ. 1633, ց. 5, գ. 21, թ. 84:

¹⁹ Դրոշակ, 1930, թիվ 6-7, էջ 170:

նրանք պետք է ձմեռեին: Այստեղից, Արաքսի հովտով շարժվում են դեպի հայկական հառ և Ղարաբաղ գյուղերը: Դետք չթողնելու համար խումբը սպանում է ճանապարհին հանդիպած մի քանի քրդերի:

Զրամանատարի և վալադների անփորձության հետևանքով խումբը շեղվում է ճանապարհից և սարերում ու ձորերում երկար թափառելուց հետո, խմբի մի մասը հասնում է հառ (հար) գյուղը /Կաղզվանի շրջանում/ և տեղավորվում հանգստանալու գյուղի այգիներում, իսկ մյուս մասը ցրվում զանազան ուղղություններով: Խառի գավառապետը գյուղացիներին կարգադրել էր, որպեսզի չընդունեն խմբի տղաներին: Խառ իջնող խումբը նկատվել էր Կաղզվանի թուրքերի կողմից, որոնք նախապես զգուշացրել էին գավառապետին: Մինչև Կուկունյանն իր զինակիցներով հանգստանում էր Խառի այգիներում գավառապետի օգնական Կուզուշը 15 զինվորներով հասնում է դեպքի վայրը և ձերբակալում խարույկի շուրջ հանգստացող խմբի տղաների մի մասին եփրեն Դավթյանին, Մեհրաբ Դաշտոյանին և Սահակ Ասրոյանին: Ձերբակալվում է նաև խմբից ետ մնացած Զովհաննես Սարգսյանը, որն էլ և խոստովանում է ամեն ինչ: Կոզակները Արաքսն անցած ծիծերի հետքերով շարժվում են դեպի հառ գյուղը և ընդհարում է սկսվում ռուս զինվորների ու խմբի անդամների միջև, վերջիններս Սարգիս Կուկունյանի գլխավորությամբ հանգստանում էին խարույկի շուրջ: Կաղզվանից ուղարկվում է օգնական ուժ՝ մեկ զումարտակ զինվոր, հարյուր կոզակ, մեկ հարյուրյակ սահմանապահներ և Դերբենդյան գնդի որսորդական մի խումբ²⁰: Այս բոլոր զորամասերը շրջապատեցին հառ և Ղարաբաղ գյուղերի բարձունքները: Կոզակների խումբը առաջնորդում էին հայ զինվոր Մարտիրոսյանը և գյուղի մուխտար Գրիգոր Ռսկանյանը, որոնք և բանակցություններ են վարում առաջարկելով զինաթափվել: Առաջարկը մերժելուց հետո տեղի է ունենում փոխիրաձգություն, վիրավորվում է մեկ կոզակ: Կապիտան Կուզուշը տղաներին մի ամբողջ օր պահում է շրջապատման օղակի մեջ, մինչև հաջորդ օրը ժամը 12-ին Կաղզվանից օգնության են հասնում Դերբենդյան 154-րդ գնդի մի վաշտ և մի ջոկատ էլ Կարսյան սահմանապահ գնդից: Երիտասարդ հեղափոխականների դրությունը օրհասական էր. նրանք անելանելի վիճակում էին հայտնվել մտադրություն չունեին կռվելու ռուսական զինվորների դեմ, իսկ վերջիններս օղակը սեղմած պահելով սկսեցին խուզարկություններ ու ձերբակալություններ: Կուկունյանը խմբի տղաներին առաջարկում է իբրև ռուսահպատակներ հանձնվել՝ առանց որևէ դիմադրության, այն համոզմունքով, որ ռուսական կառավարությունը իրենց ոչինչ չի անի, քանի որ շարժումն ուղղված էր ոչ թե Ռուսաստանի, այլ Թուրքիայի դեմ: Բայց, այնուամենայնիվ տղաների մի մասը դիմադրություն ցույց տվեցին, իսկ մնացածը դիմեցին փախուստի, որոնք թվում Սարդարը, երկու Աբրահամները,

²⁰ Նույն տեղում:

բաշքյադիկարցի Սուկուչը, որոնք Ռուսական կառավարության կողմից դատապարտվածներ էին տաժանակիր աշխատանքի և խիստ դեմ էին հանձնվելու առաջարկին: Սրանք իրենց ծիերը հեծած, կրակ արծակելով կոզակների շղթայի վրա, անվտանգ կտրելով կոզակների շղթան, դիմում են փախուստի: Նրանց օրինակին հետևում են Քեռին, դարաբաղցի Աբրահամը, Արամայիս Ազնավուրյանը և ևս մի քանի հետևակ զինվորներ, որոնք ապաստան են գտնում Չերմալի գյուղում/Կարսի շրջան/, որտեղից էլ հաջորդ օրը գաղտնի տեղափոխվում են Կարս:

Խմբի անդամներից սպանվեցին էրզրումցի դարբին Ստեփանը և մշեցի Նատոն: Ամբաստանագրի տվյալներով կորուստները կազմեցին Սարգիս Կուկունյանի խմբից 4 հոգի/որոնց մեջ նաև զինվորական ղեկավար Սարգար Ավետիսյանը/, 1 կոզակ, 10 քուրդ և թուրք: «Բոլորին ձերբակալելուց յետոյ, կառավարութիւնը գրաւում է 28 բերդան հրացան, 2 վեցչետրի, 2 Պիօլի 4, Շնդդդէրի և այլ հրացաններ: Միաժամանակ վերցնում են 11 դաշոյն, 2 սուր, 6 սւիւն, 1 ատրճանակ, 24 եսփունճի և 6 պայուսակ փամփուշտներով լիքը»²¹:

Այսպիսի տխուր ու ողբերգական վախճան ունեցավ Սարգիս Կուկունյանի գլխավորած երթը դեպի երկիր:

Ձերբակալված տղաներին նետում են Կաղզվանի բանտը Ս.Կուկունյանին առանձին սենյակում, իսկ մյուսներին երկու սենյակներում, ուր պահում են շուրջ մեկ ամիս: «Կարծում էինք, թե այսօր վաղը մեզ կարծակեն, ասում է արշավանքի մասնակից Յովսէփը.- Շատ միամիտ էինք եւ անփորձ: Մեր անփորձութիւնը հասնում էր յիմարութեան: Միայն մի ոստիկան էր դրուած մեզ հսկելու եւ կամերայից դուրս բերելու համար: Նա էլ ամբողջ օրը նստած տեղը մրափում էր եւ ոչ մէկիս մտքովը չանցավ փախչել, չնայած որ այդքան հեշտ էր փախչելը»²²: Կուկունյանն էլ եղել է այդ տղաների մեջ, որոնցից ոչ մեկը չէր մտածել օգտվել պատեհ առիթից և փախչել: Նրանք համոզված ու վստահ են եղել, որ իրենք չպիտի պատժվեն ռուս կառավարության կողմից, քանի որ արշավանքը ուղղված չէր նրա դեմ: Հավանաբար Կուկունյանը չէր մտածել, որ Կաղզվանի բանտում եղած ժամանակ դեռ չէր տվել իր ազնիվ խոսքը և ոչ էլ առիթ էր ունեցել ծանոթանալու փոխ-գնդապետի հետ, որն ի հայտ էր եկել միայն Կաղզվանից Կարս փոխադրող հատուկ զինվորական պահակախմբի հետ: Եվ, երբ կալանավորները դեռ Կաղզվանի բանտում էին և պետք է փոխադրվեին Կարս, ուր հասնելը մեկ օրվա ճանապարհ էր և պետք է գնահին հետիոտն, Սարգիս Կուկունյանի խուցն է մտել այդ դաղստանցիին և հայտարարել, որ «իմքն է ստանձնել բանտարկյալների փոխադրութիւնը, բայց լուր է ստացել, որ հայերը պատրաստուած են յարծակուել եւ խլել ձերբակալվածներին. եթէ

²¹ Նորեան Գ., Դրագներ Դ.Յ.Դ. զործունեութիւնից, Բոսքըն, 1917, էջ 89:

²² Հայրենիք, 1934, քիվ 6, էջ 58:

այդպիսի բան պատահի, հետեւանքը կը լինի խիստ աղետաբեր: Նա խորհուրդ է տալիս ազդել դրսեցիների վրայ, որ նման քայլ չաճեն, Կուկունեանն էլ ազնիւ խօսք տայ, որ փախչելու փորձ չկատարի: Կուկունեանն ազնիւ խօսք է տալիս»²³: Եվ դադարեցնելով պահակապետը՝ փոխգնդապետ Սեյիդ Յուսէինը, բանտարկյալներին Կարս հասցնելուց հետո, իր հատուկ շնորհակալությունն է հայտնել Սարգիս Կուկունյանին, որ փախուստի ամեն հնարավորություն ունենալով՝ հանդերձ ասպետորեն պահել էր իր պատվի խոսքը: Մինչդեռ, Սարգիս Կուկունյան չէր կամեցել փախչել այն նպատակով, որ հնար ունենա դատավարության ժամանակ պաշտպանել Հայոց դատը: Ավելին, նա իր սպիտակ ձին տալիս է դարաբաղցի Աբրահամին, որը դարաբացի Ջաքարի, Սարդարի և ավելքսանդրապոլցի Մուկուչի հետ փախչում է:

Վիրավոր Ջաքարին թողնելով՝ Ղազարապատուն Վասակի տանը, երեք ընկերներով բարձրանում են Արագածի վեշերը և ապաստան գտնում իրենց ծանոթ քրդերի տանը: Սակայն, ոչ մի սրբություն չունեցող քրդերը գիշերվա ուշ ժամին սպանում են Մուկուչին ու Սարդարին: Իրեն մոտեցող արնոտ դանակի հոտից, թե մորթվող ընկերների խոխոցից արթնանում է Աբրահամը, անմիջապես բարձի տակից հանում ատրճաճակը և երկու քուրդ սպանելով՝ նստում ձին ու փախչում²⁴: Սրտացավ դարաբաղցին լսելով, որ Կուկունյանն իր նյութ ընկերներով ձերբակալված է և պետք է Կարսից Թիֆլիս տեղափոխվեն, որոշում է Դիլիջանում հարձակվել խմբին ուղեկցող ոստիկանների վրա և ազատել իր ընկերներին: Բայց դա չի վիճակվում Աբրահամին, քանզի նա մատնությամբ 1891թ. հունիսի 18-ին Նոր-Բայազետում ձերբակալվում և տեղափոխվում է Կարսի բանտ²⁵, ուր Կաղզվանից փոխադրվել էր Կուկունյանն իր բախտակիցներով: Կարսի բովանդակ հայությունը սիրով ու ակնածանքով ընդունեց ձերբակալված տղաներին: «Կարսի ժողովուրդը ծարաւի էր տեսնելու «հայ զօրքը»: Այդ տեսավ ու շոշափեց: Ու թե՛ն այդ «զօրքը» բանտարկուեցավ և աքսորուեցավ, բայց ժողովուրդը կը սիրեր իր տեսածը և կուզեր ունենալ ավելի անթերի, ավելի կատարելագործուած գինվորական ուժ մը, և ունեցավ»²⁶: Եվ առանձնապես Կարսի շրջանի հայկական գյուղերում մեծ և բուռն ոգևորությամբ էին Կուկունյանին ու նրա խմբի անդամներին ճանապարհել: Հուշագիր Մարտին Շաթիրյանի ասելով, «երբ բանտարկյալներին դուրս էին բերում բաղնիք տանելու համար, այդ օրը քաղաքը ստանում էր կես-տոնական, կես-սուգի կերպարանք: Շատերը խանութները փակում էին: Երեխաների փոքրիկ խմբեր սկսում էին «Սեր Հայրենիք» երգել: Կալանավորները ծայնակցում էին նրանց, եւ

²³ Դիւան Գ.Յ. Դաշնակցութեան, հտ.Բ, Պոսքըն, 1934, էջ 21:

²⁴ Հայաստանի Ազգային արխիւ, ֆ. 1633, ց. 5, գ. 23, ք. 169:

²⁵ Աբրահամն այստեղից փախչելու փորձ է անում, բայց սպանվում բանտի պարիսպների տակ՝ բանտապահի ու ու կոզակի արձակած գնդակից:

²⁶ Ուրբեմ, Հայ Յեղափոխականի մը Յիշատակները, հտ. Ա, էջ 110:

այդպիսով բաղնիք գնալը ստանում էր քաղաքական ցույցի բնույթ»²⁷։ Կուկունյանի խմբի մասնակիցներից մյուսը մշեցի Սեարոպը, որին հառնից հաջողվել էր փախչել և անցնել Կարս, և ականատեսն է եղել տղաների Կարս բերելուն, գրում է հետևյալը. «Սարգիս Կուկունեանի Կարս բերած օրը Կարսի հայությունը բոլոր խանութները գոցած էր։ Ժողովուրդը խնձած էր ճանապարհին, փողոցներում, տանիքների վրայ։ Կառավարությունը թույլ չէր տալիս, բայց նրան չսող չկար։ Շատերը խումբ-խումբ կերթային Կաղզւանի ճանապարհը, որտեղից պիտի բերեին բանտարկեալները... Կեսօրից հետոյ, հեռուէն երևցան բանտարկյալները։ Կուկունեանը կը քալեր առջևէն, տղերքը բոլորը շղթայակապ էին, շրջապատված էին ոստիկաններով, կոզակներով ու հետևակ զինվորներով։ Երբ խումբը մոտեցավ Ժողովուրդին, Ժողովուրդը շատ տրտում, տխուր էր, բայց խումբի տղերք ուրախ էին։ Կրկին Ժողովուրդը խումբին կը հուսադրեր։ Ու, հանկարծ, բազմութիւնը օդը թնդացուց «կեցցե՛»-ներով եւ այդպէս «կեցցե՛» աղաղակելով՝ հետեւեց մինչեւ բանտ»²⁸։

Արշավանքի մյուս մասնակից Արամայիս Ազնավուրյանը, Կուկունյանի Կարս փոխադրելու նկարագրությունը տալիս է հետևյալ կերպ. « Ժամի մօտ 12-ն էր, երբ շղթայակապ Կուկունյանը ոստիկանների ու հետևակ զինվորների մի զինուած վաշտով քաղաք մտավ։ Ամբողջ Կարսը թափվել էր դուրս եւ խոնավել այն փողոցներում, որոնցով պիտի անցներ Կուկունյանը կենտրոնական բանտ գնալու։

Կուկունյանը երբ մտավ զինվորական ջոկատների եւ ժողովրդի փողոցների երկու կողմերում կոզմած շղթաների մէջ Ժողովուրդը, անպատմելի վշտով համակված, լուռ հեկեկում էր։ Ռոստիկանական ու զինվորական վաշտերը զուսպ էին ու զգաստ։ Կուկունյանը, արտաքինով թեւ հոգնած ու փոշաթաթախ, սակայն առնական ու անվարան ընթացքով քայլում էր հսկող ջոկատի մէջտեղով։ Նրա ձեռքերին ու ոտքերին ամրացած շղթաները նրա քայլվածքի հետ համաչափորեն աղմկում էին դաժան սառնութեամբ եւ Կուկունյանի ու նրա ընկերների առնական քայլվածքին տալիս էին արտակարգ թափ ու խորհրդավորութիւն։ Բանտարկվածների խմբի առջևից հպարտորէն ու հաստատ քայլերով գնում էր շղթայակապ Կուկունեանը։ Նրան հետեւում էին նրա զինակից ընկերները, երեքական հոգի շարքերով, իսկ ամբողջ խմբի չորս կողմից սուիմները ձեռքերին պատրաստ ուղեկցում ու համաչափ ընթանում էին պահակախմբի անդամները։ Այսպէս շրջապատված Կուկունեանի խումբը

²⁷ Հայրենիք, 1923, թիվ 5, էջ 51։

²⁸ Սեարոպ Վարդանեանի յուշերը Կուկունեանի արշաւանքի մասին, Տե՛ս, Դրոշակ, Փարիզ, 1930, թիվ 6-7, էջ 173։

անցավ Կարսի մի ծայրից միւսը եւ ժողովրդի հեկեկանքների միջով առաջնորդուեց քաղաքի գլխավոր բանտը Ղարաղաղ»²⁹:

Միայն Կաղզվանում ու Կարսում չէր ժողովրդի հետաքրքրությունը, հատկապես ցավն ու վշտակցությունը: Խորն էր նաև համակրանքը Կուկունյանի հանդեպ՝ հուզիչ ու անկեղծ, և պատահական չէ, որ ամբողջ կովկասահայությունը ցնցված ու վրդովված էր ռուս կառավարության տմարդի վերաբերմունքից: Կուկունյանն ու իր ընկերները ազգային նահատակներ էին ամենքի աչքում, նրանց ձեռնարկը աննախընթաց ժողովրդական մեծ ոգևորություն էր առաջ բերել, և բնականաբար նրանց ճակատագիրը պիտի հուզեր հայությանը: Կուկունյանն ու իր ընկերները խրախուսանքի բազմաթիվ նամակներ էին ստանում, որոնցից մեկում ասվում էր. «Կուկունյանն իր գործերով զարթնեցրեց հայ ազգը խոր քնից... Յուրաքանչիւր ուրախ սեղանի ժամանակ առաջին կենացը հայրենիքին է նվիրված լինում, երկրորդը՝ հայրենիքի նախավկայ Կուկունեանին... Այսուհետև Կուկունեանը էլ չի պատկանում ոչ իրեն, ոչ էլ ծնողներին, այլ կազմում է ամբողջ ազգի սեփականությունը. նրա անունը պիտի անցնի պատմութեան էջերը»:³⁰

Կուկունյանի արշավանքը հայ ժողովրդի ազգային-ազատագրական պայքարի զարթոնքի արգասիքն էր: Չնայած արշավանքն անհրաժեշտ արդյունքի չհասավ, բայց կարևոր դեր խաղաց հայդուկային ուժերի համախմբման գործում, հատկապես Արևելահայաստանում:

²⁹ Հայրենիք, 1937,թիվ 5,էջ 138-139:

³⁰ Ղիւան..., հտ.Ա, էջ 11: